

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 34 (1948)

Nachwort: Zacontas remacas redaczionalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>

Zacontas remarcas redaczionalas

Uonn eis ei stau ina gronda satisfacziun per la redacziun de puder gudignar enzaconts novs collaboraturs. Nus havein gronda speronza che quels stettien fideivels e tuornien mintgatton a contribuir enqual lavur, malgrad che la redacziun ha stuiu trer e stuschar e tulanar e forsa aunc unfisar enqualin cun adina puspei animar e disturbar de po far inaga enzatgei pigl Ischi, ch' ei oz aschibein la revista dils academicthers, aug-segners, students e scolasts, sco era de nies sempel pievel sur-silvan. —

Sco che nus essan segirs ded ulteriurs buns e perseveronts collaboraturs, dein nus lu l'entschatta ad ina revista trimestriala che havess secapescha ses gronds avantatgs, cunzun el temps hodiern, nua ch' ei fuss aschi de basegns de saver prender posiziun a tontas actualas e savens zun impurontas damondas che pertuccan il Romontsch e sia cultura en general ed en special. Nus astgein pia mai schar ord égl la realisaziun de quei plan. Plideien pauc de quei, mo patertgeien persuenter adina vidlunder! — Als collaboraturs d'uonn nies pli sincer engraziament, ed als futurs novs nossa pli cordiala invitaziun e beinvegni. —

* * *

Ed uss aunc ina zun interessanta novitad per tut ils com-members della Romania, oravontut pils academicthers. — La permavera 1947, cu nies Msgr. Uestg Christianus Caminada ei staus a Roma, ha el priu contact leu cun signur **José Ma. Albereda**, in dils principals motors e menaders d'ina semeglionta societad academica spagnola sco la Romania, cul menader e l'olma digl aschinumnau «**Consejo superior de investigaciones científicas, Madrid**» q. v. d. oravontut cun sia secziun speciala: «**Estacion de Estudios Pirenaicos**» a Jaca, che s'occupescha pli u meins cun medems intents e finamiras sco nossa Romania.

Quella secziun s'occupescha principalmein cul studi dellas alps pireneas ed enquera contact cun tuttas societads exteriu- ras che persequiteschan e cultiveschan medems e semeglionts ideals scientifics. Havend Msgr. Uestg Christianus Caminada priu contact a Roma cun in dils pli prominent de quella, ha el empalau vinavon quei contact tiel redactur digl Ischi, che ha lu immediat priu si quei fil ed empuniu quel era da sia vart cun quella societad, ch'enquera sapientivamein contact e confin cun nossa Romania.

En ina brev dils 19 de februario 1947 explicescha José Ma. Albareda pli detagliadamein il scopo de lur «Estacion». Ei se-tracti oravontut d'ina societad che studegi sistematicamein il mund alpin dellas Pireneas davart geografica, geologica, historica, culturala, zoologica e botanica. — Lur societad aca- demica giavisch d'entrar cun nus en stretg e fritgeivel contact quei che pertegni il contonscher las medemas finamiras. Els sperien de saver brattar ora enconuschientschas, d'obtener e saver dar anim ed impuls vice-versa.

Sin quella gentila sepurschida essan nus semess en corre- spondenza cun **José Ma. Albareda** e **Luis Sole Sabaris**, il pre- sident della «Estacion», sesents a Barcelona. — El ha mede- mamein correspundi cun nus, ei staus aschi amicabels ed ha farmess lur scartira trimestriala (ch'ei aschi voluminusa sco nies annuari Ischi!), la revista «**Pireneos**» — e nus las treis da- vosas ediziuns digl Ischi.

Sin quella moda e maniera han els gronda speranza de sa- ver s'avischinar a nossas finamiras, sco quei ch'era nus vegnin a sespruar d'emprender dellas lur e de seschar influenzar en tu! quei che pudess gidar nus vinavon pertenent il contonscher **nos** ideals — ch'ein per la gronda part era ils lur.

Nus vegnin pia era dacheudenvi a tener cauld nossas rela- ziuns aunc castgas sc'in' enfiarla, ch'omisduas parts raccoltien in di fretgs ideals, ch'ein franc e segir ils pli bials denter dus pievels latins de medema religiun e concepziun culturala e spirtala. —

A tuts nos academichers della Romania, che s'interesse-schan de quei dar e retscheiver cultural, essan nus bugen pronts d'intermediar las relaziuns, mo oravontut de schar cursar lur stupenta scartira en fuorma de revista scientifica, cuntenent numerusas zun instructivas scrutaziuns ed illustraziuns de gronda valur. Persuenter vegnin nus a tarmitter onn per onn nies Ischi a Jaca, Barcelona ed a Madrid, nua ch'ins demuossa a quel — sco ins scriva a nus ord Spagna — in interess che bia Romontschs han absolutamein buc!

A nos aultstimai amitgs de saung e tempra latina, als academicheers de Madrid, Barcelona ed Jaca, nos pli cordials salids ord las alps reticas, nua che viva oz in pievel che lavura e se-stenta pils medems sogns ideals, sco nos frars spagnols dell'**«Estacion des Estudios Pirenaicos»**. Perquei in sincer: Vivi e prospereschi! alla Estacion ed alla Romania che possien strenscher egl avegnir lur ligioms pli e pli stretg!
